

Иисус Христостың төреені

1 Ол күннерде Рим кесарьы Август поэнының чиріндегі прай кизилерни, санға алып, пичикке кир саларға чахығ сығарған. 2 Сирияда, Квириний пиг полчатхан туста, пу пастағы санағ полған. 3 Полған на кизи поэнының төреен городынзар пазын саларға парған. 4 Галилея чиріндегі Назарет городтаң Иосиф поэнының чиринзер, Иудеязар, Давидтиң Вифлеем тип городынзар парған. Иосиф Давид төлінең паза сөөгінең полған нооза. 5 Ол андар Мария ипчизінең хада пазын саларға парған. Мария ол туста азахха аар чөрген. 6 Олар Вифлеемде полғаннарында, Мария пала табар тус чит килген. 7 Мария поэнының Туи Оолғын төридіп алған паза, Палазын сүбүрекке ораабызып, Аны мал азырачаң көлбезер сал салған. Хон чөрчеткен тураларда, тізең, оларға орын чох пол парған. 8 Ол чирлерде хараазын мал хадарчаңнар чазыда малларын хадарғаннар. 9 Кинетін оларның алнында Хан Худай ангелі тура түскен паза Хан Худай сабланызы оларны чарыдыбысхан. Мал хадарчаңнар уғаа тың хорых парғаннар. 10 Андада ангел оларға чоохтаан: «Хорыхпаңар. Мин сірерге уғаа өрчліг хабар искірчем. Аны истіп, прай чон өрінер. 11 Амды Давидтиң городында сірерге Осхырығчы төріп парды. Ол Хан Худай Христос полча. 12 Мына сірерге танығ: сірер сүбүректернең ораалған Час Паланы көлбеде чатчатханын таап аларзар». 13 Кинетін ангелнің хырында көп тигір сиріглері тол чөрибіскеннер. Олар, Худайны сабландырып, хыйғы салғаннар: 14 «Сабланзын тигірдегі Худай паза чир үстүнде Худай паарсазы читкен кизилер аразында амыр хоных ползын!» 15 Ангеллер тигірде чіде халғаннарында, мал хадарчаңнар удур-төдір чоохтазыбысханнар: «Вифлеемзер парып, анда нима пол парғанын көр көреңер, хайди піске Хан Худай искір пирді». 16 Олар, улуғ маңзытта Вифлеемзер киліп, Марияны, Иосифті паза көлбеде

чатчатхан Час Паланы таап алғаннар. 17 Палаҗахты көр салып, олар пу Час Паладаңар нима искиргеннерін кизилерге чоохтап пиргеннер. 18 Прай искен кизилер мал хадарҗаңнарның чоохтарына чапсааннар. 19 Мария, тизең, прай ол сөстерні поэнының чүреенде чыып, хайраллаан. 20 Анаң мал хадарҗаңнар айлан килгеннер. Олар, искирилген чоох хоостыра, искен паза көрген нима үчүн Худайны, алғыстап, сабландырғаннар.